

Studenti FET-a i Mašinskog fakulteta posjetili univerzitet u Kemptenu u sklopu ERASMUS+ projekta SUCCESS

Nakon pobjede na regionalnom takmičenju startup ideja DEMO DAY 23, održanom krajem maja u Sarajevu, studenti pobjedničkih timova sa Fakulteta elektrotehnike i Mašinskog fakulteta Univerziteta u Tuzli, bili su na nagradnom putovanju, odnosno četverodnevnoj posjeti Univerzitetu primjenjenih nauka u Kemptenu (Njemačka). Za naše studente upriličen je obilazak kampusa univerziteta, nakon čega su učestvovali u startup takmičenju Funf Euro Business Competition. U takmičenju su se natjecala četiri domaća tima sa svojim startup idejama, a naši studenti su zatim u okviru dijela takmičenja rezervisanog za gostujuća izlaganja publici predstavili svoju pobjedničku startup ideju sa regionalnog takmičenja iz Sarajeva. Tokom posjete naši studenti su imali priliku posjetiti i startup inkubatore Univerziteta u Kemptenu i Univerziteta u Minhenu, u kojima mladi surađuju na razvijanju svojih ideja i pokretanju uspješnih biznisa. Posebno se zahvaljujemo prof. Gabriele Schafer i njenom timu za cijelu organizaciju.



